

spersum. Occurrit frequens varietas minor quae differre videtur ab hac, elytris praesertim punctatis, & nitidioribus, non referenda neque ad *L. Morionem*, neque ad *L. Lineatam*. *F. Mant.* Forte mas praecedentis?

Habitat ruri in locis, & viis arenosis frequens.

369. *L. MOLITOR. Etrusca.*

Long. 7. $\frac{1}{2}$ l. *Lat.* 3. l.

Thorace spinoso, oleagineo-fusca, sutura, vittisque tribus albis a capite ad apicem elytrorum ductis.

Huc referre maluimus, at differre in multis videtur a *L. Moltore* *F. sp.* 224. 42.

Facies *L. Pedestris*, at major, & corpore magis globoso.

Tota superne tomento decumbente fusco subviridi holosericeo nitens, antennis mediocribus fuscis. Vittae tres albiae latae praeter suturam albam, a fronte per singulum elytrum excurrunt ad apicem, quarum major marginalis est. Pedes fusi.

Habitat silvas.

* 370. *L. UNIFASCIATA.*

Long. 4. l. *Lat.* 1. $\frac{1}{3}$ l.

Thorace inermi, ovato, sordide nigro, elytris fuscis nigro punctatis, fascia media atra flexuosa flavo-marginata.

Corpus ovatum. Antennae longitudine corporis articulis subferrugineis, apice pallidis, tertio, & quarto praelongis, arcuatis. Caput, & thorax fusco-nigra. Elytra obtusa punctis nigris raris excavata, fascia lata nigra margine utrinque flexuoso angulato flavo, quae magnam partem abdominis tegunt. Femora fusca tibiis apice albido. *Tab.* 1. *f.* 5.

Habitat sub arborum cortice in silvis. Lecta m. Dec. & Feb.